

Bases legais da Promoción "Plan Ready"

CONDICIÓN DA PROMOCIÓN

A entidade mercantil BANCO BILBAO VIZCAYA ARGENTARIA, S.A., con domicilio en Bilbao, Plaza de San Nicolás, núm. 4, e provista do CIF núm. A48265169 (de agora en diante, "BBVA") organiza a presente Promoción denominada "PLAN READY" (de agora en diante, a "Promoción"), que se rexerá polas seguintes bases legais (de agora en diante, as "Bases legais").

1. En qué consiste a promoción?

Esta Promoción ten por obxecto incentivar a alta de clientes así como a primeira compra coa tarxeta de débito (de agora en diante, a "Tarxeta") por un importe igual ou superior a 15,00€ que se desen de alta no BBVA, a través de www.bbva.es, m.bbva.es ou nas aplicacións móbiles do BBVA (para sistemas operativos; Android e iOS) ou nalgunha das oficinas do BBVA.

Cumprindo os requisitos da promoción, obterás unha bonificación na túa Conta BBVA de:

- 15,00€ brutos pola primeira compra coa Tarxeta por un importe igual ou superior a €.

Quedan excluídos para o cálculo da bonificación todos os pagamentos realizados coa Tarxeta relativos a cargos de entidades financeiras e bancos, criptomoedas, xogos e apostas e pagamentos a empresas de cobramento de morosidade, o pagamento de impostos, tributos ou multas de calquera organismo público, así como as retiradas de efectivo a crédito e débito.

2. A quen vai dirixida a promoción?

A Promoción está destinada a persoas físicas maiores de 18 anos na data de inicio da Promoción e que se desen de alta no BBVA polas vías explicadas no apartado titulado "En que consiste a Promoción?"

Estas Bases Legais regulan a participación na Promoción dun tipo de participantes: "Apadriñados BBVA".

3. Que tes que facer para adherite á promoción?

Asinar este boletín de adhesión á promoción antes do 30 de xuño de 2026. Nesta data finaliza a promoción. (Período de vixencia).

4. Quen está excluído de participar na Promoción?

Quedarás excluído da participación na presente promoción se, durante o "Período de vixencia" e ata a entrega da Bonificación, es debedor fronte ao BBVA por calquera cantidade vencida e esixible. Nese suposto, terás que regularizar a situación antes da recepción da bonificación. Se chegada a data para o ingreso da bonificación non regularizaches a débeda, perderás o dereito a recibila e non che será ingresada.

Adicionalmente, polo feito de participar nesta promoción poderás quedar excluído de participar en futuras promocións relacionadas coa domiciliación da túa nómina, pensión ou prestación por desemprego no BBVA, ou outras promocións por incentivo de uso de tarxeta de débito ou crédito, ou por domiciliación de recibos.



Quedarás excluído da participación na Promoción en caso de que interviñeses na súa organización, así como se es empregado en activo e prexubilado tanto do BBVA como do seu grupo de empresas.

Así mesmo, se a túa alta está motivada polo uso dun código personalizado de promoción (ti como "Apadriñado BBVA") que outro cliente do BBVA (o teu amigo como "Padriño BBVA") compartiu contigo para que ambos poidades beneficiarvos da promoción (promocións "Plan Convida un Amigo"), tampouco poderás participar nela se o devandito código superou os 10 usos.

5. Que pasos debes seguir para poder participar na Promoción?

Para poder participar na Promoción debes seguir os seguintes pasos:

- Non ser cliente do BBVA;
- Que non causeses baixa como cliente BBVA durante os seis (6) meses anteriores ao comezo da Promoción;
- Aceptar as Bases Legais da Promoción durante o "Período de Vixencia" e:
- Darte de alta no BBVA contratando unha conta transaccional con operativa propia de servizos de pagamento (de agora en diante, a "Conta BBVA") máis a tarxeta de débito (de agora en diante, "a Tarxeta"),
- Activar a Tarxeta.
- Realizar unha compra coa Tarxeta por un importe igual ou superior a 15,00 € no prazo máximo de 3 meses desde a data en que te deches de alta como cliente no BBVA.

Disporás dun prazo máximo de trinta (30) días naturais, desde a sinatura do contrato da Conta Online BBVA, para enviases a información e a documentación solicitadas polo BBVA para a contratación e alta da Conta Online BBVA e, en consecuencia, a súa entrada en vigor. Se transcorrido ese prazo a Conta Online BBVA non estivese operativa, porque non puido ser dada de alta por falta da información e da documentación solicitadas, a Promoción quedará cancelada.

6. Que bonificación recibirás e cand?

En caso de cumprires as condicións de participación indicadas no apartado 5 e realizares as actuacións descritas recibirás un premio de 15,00 €.

O BBVA procederá a realizar o ingreso da Bonificación, tras a verificación das condicións establecidas nestas Bases legais, e unha vez pasados un mínimo de 45 días e ata un máximo de 6 meses desde o cumprimento das condicións.

Quedan excluídos para o cálculo da bonificación todos os pagamentos realizados coa Tarxeta relativos a cargos de entidades financeiras e bancos, criptomonedas, xogos e apostas e pagamentos a empresas de cobramento de morosidade, o pagamento de impostos, tributos ou multas de calquera organismo público, así como as retiradas de efectivo a crédito e débito.

A Bonificación non será susceptible de cambio, alteración ou compensación. Se rexeitas a Bonificación, non se che ofrecerá ningunha alternativa.

No suposto de non existiren participantes, o BBVA poderá declarar deserta a Promoción.

7. Como se notifica o premio?

A comunicación da Bonificación realizarásese, como moi tarde, aos seis meses contados desde a data en que cumprires as condicións recollidas nestas Bases legais, e realizarase mediante o propio ingreso da bonificación na Conta BBVA, co concepto "Bonificación Promoción comercial".

8. Que supón a aceptación das Bases legais?

A aceptación das presentes Bases legais supón a plena conformidade con elas, así como a aceptación do criterio do BBVA na resolución de calquera conflito que puidese xerar a interpretación destas. Como participante, deberás seguir as instrucións que puidese cursar, se é o caso, o BBVA.



O BBVA resérvase o dereito de descualificarte, segundo o seu criterio exclusivo, se manipulas, intentas manipular a Promoción ou violas calquera dos termos e condicións das presentes Bases legais.

O BBVA poderá adoptar as decisións necesarias para a resolución das controversias e conflitos que xurdan no desenvolvemento da Promoción, sempre que estas non te prexudiquen indebidamente e resulten equitativas.

No suposto de non cumprires as condicións de participación anteriormente aplicables, ou de non cumprires con todos os requisitos establecidos nas Bases

Legais, non terás dereito a recibir a bonificación nos termos establecidos nestas.

9. Que acontece en caso de incumprires as condicións da Promoción?

No suposto de incumprires calquera das condicións establecidas nas Bases Legais, incluídas as obrigas que permanezan vixentes tras a entrega da bonificación nos termos previstos nestas, cancelaráseche a Promoción e, no caso de que recibes a bonificación, terás a obriga de devolvela.

O BBVA realizará un cargo polo importe da Bonificación entregada na Conta en que se realizou o ingreso da bonificación en concepto de penalización e aplicarase con independencia do saldo que manteñas na túa conta.

No caso de non haber saldo suficiente, o cargo pola penalización xerará un descuberto. Se incumpres as Bases legais da Promoción, esta quedará automaticamente cancelada, aínda que con posterioridade cumpras as súas condicións.

A comunicación por incumprimento serache enviada por correo electrónico ao enderezo electrónico que indicases no proceso de alta de cliente no BBVA dentro dos seguintes 30 días contados desde a data de incumprimento dalgunha das condicións antes descritas ou desde a data na que, se é o caso, o BBVA teña coñecemento do incumprimento.

Se incumpres as Bases Legais da Promoción, esta quedará automaticamente cancelada, aínda que con posterioridade cumpras as condicións.

10. Que acontece en caso de cometeres ou de existir fraude?

En caso de que o BBVA, ou calquera entidade que estea ligada profesionalmente á Promoción, detecte calquera anomalía ou sospeite que estás a impedir o normal desenvolvemento desta, poderá de forma unilateral eliminar a túa intervención na Promoción. Con esta finalidade, o BBVA habilitou os necesarios soportes tecnolóxicos para detectar unha posible actuación fraudulenta, anómala ou dolosa que pretenda alterar a participación co obxectivo de lograr a bonificación de forma ilícita. Polo tanto, o BBVA resérvase o dereito de eliminar o teu rexistro se evidencia ou sospeita unha actuación irregular no sentido descrito.

11. Cal é o período de reclamación?

O período de reclamación da Promoción finaliza transcorridos 12 meses desde a data de finalización do "Período de vixencia".

12. Que tratamento se dará aos teus datos de carácter persoal?

Banco Bilbao Vizcaya Argentaria, S.A. con domicilio social na Plaza de San Nicolás, 4, 48005, Bilbao e enderezo electrónico consultasgenerales@bbva.com é o responsable do tratamento dos datos persoais que nos facilites con motivo da túa participación nesta Promoción.

O BBVA necesita tratar os seguintes datos persoais: nome e apelidos, idade, NIF/NIE/pasaporte, número de Conta no BBVA, da Tarxeta, coa finalidade de levar a cabo a organización, control e seguimento da Promoción e para a entrega da bonificación ou premio, en caso de cumprir as condicións requiridas.

Así mesmo, o BBVA poderá compartir determinados datos persoais do "Apadriñado BBVA" co "Padriño BBVA" respecto da evolución do primeiro no cumprimento dos distintos requisitos detallados nestas Bases legais. A finalidade desta comunicación de datos persoais é que o Padriño teña coñecemento sobre o avance do "Apadriñado BBVA" no cumprimento de tales requisitos e poder acadar o obxectivo de interese común consistente en que o "Apadriñado BBVA" se converta en cliente do BBVA para obteren ambas as partes o premio ou bonificación mencionado anteriormente. Os datos persoais que se compartirán serán o nome (sen apelidos) do "Apadriñado BBVA", así como o estado do cumprimento dos requisitos das Bases legais para os efectos de consolidación da promoción.

A base de lexitimación é a execución do presente contrato.

Conservaremos os teus datos persoais para este tratamento concreto durante a vixencia da relación contractual. Unha vez finalizado o devandito prazo, manteremos bloqueados aqueles datos persoais que sexan necesarios durante os prazos de prescrición legal para os exclusivos efectos de reclamacións ou accións legais. Transcorridos os prazos de prescrición legal, destruiremos os teus datos.

O BBVA non vai comunicar os datos persoais a terceiros, salvo que a lei nos obrigue ou se obteña o consentimento correspondente para facelo.

Poderás exercer os teus dereitos de acceso, rectificación, supresión, oposición, limitación do tratamento e portabilidade, mediante un escrito a través de derechosprotecciondatos@bbva.com. A supresión dos datos necesarios para a xestión da Promoción suporá a baixa automática da Promoción. Se consideras que non tratamos os teus datos persoais de acordo coa normativa, podes contactar co delegado de protección de datos do BBVA accedendo á páxina web bbva.es, apartado Datos persoais/Contacto DPO ou a través da seguinte ligazón <https://www.bbva.es/general/tratamiento-datos.html#contacto-dpo>. En calquera caso, poderás presentar unha reclamación ante a Axencia Española de Protección de Datos (www.aepd.es).

13. Que fiscalidade ten a bonificación?

O importe da bonificación podería ter implicacións fiscais polo que o debes ter en conta para a declaración da renda.

En caso de dúbida, consulten co seu asesor fiscal.

14. Cal é a responsabilidade do BBVA na Promoción?

O BBVA non se responsabiliza das posibles perdas, deterioracións, roubos, atrasos ou calquera outra circunstancia imputable a terceiros ou a Internet que poidesen afectar á túa participación na Promoción.

O BBVA resérvase o dereito de anular calquera participación ou calquera participante se existen sospeitas dunha manipulación incorrecta da Promoción.

Así mesmo, o BBVA exclúe calquera responsabilidade polos danos e perdas de toda natureza que, a pesar das medidas de seguridade adoptadas, poidesen deberse á utilización indebida dos servizos e dos contidos por parte dos participantes e, en particular, aínda que non de forma exclusiva, polos danos e perdas de toda natureza que poidan deberse á suplantación da personalidade dun terceiro efectuada por un usuario en calquera clase de comunicación realizada.

O BBVA queda facultado para resolver calquera contingencia non prevista nas presentes Bases legais.

Aceptas que o BBVA poida adiar, acurtar, prorrogar, modificar, cancelar ou suspender a Promoción debido a causas de forza maior alleas ao seu control, en cuxo caso se compromete a informarte desa circunstancia o máis axiña posible.

No caso de que calquera cláusula destas Bases legais sexa declarada nula ou non válida, seguirán en vigor as restantes cláusulas non afectadas por esta.

15. Lexislación e foro

Para calquera controversia aplicarase a lexislación española ante os xulgados e tribunais correspondentes ao domicilio do participante que aceptou estas bases.